

STO GODINA MEDICINSKIH BIBLIOTEKA KLINIKE MAYO, USA

MAYO CLINIC LIBRARIES CENTENNIAL CELEBRATION

Vladana Gaji -Zori , bibliotekar specijalista I / Library Specialist I

Biblioteke Klinike Mayo / Mayo Clinic Libraries

Mayo Clinic, 200 First Street SW

Rochester, MN 55905, USA

gajiczoric.vladana@mayo.edu

Mayo Clinic Libraries, a system of medical libraries that support physicians and employees of the world famous Mayo Clinic, recently celebrated 100 years of service. A special two-day symposium was held in Rochester, Minnesota, on October 2nd and 3rd 2007, during Mayo Clinic Heritage Days, a general celebration of history and culture of Mayo Clinic. Approximately 125 attendees, Mayo Clinic employees and visitors from around the United States, attended the symposium.

Biblioteke Klinike Mayo, sistem medicinskih biblioteka koje podržavaju ljekare i osoblje ovog svjetski poznatog kliničkog centra, nedavno je proslavila 100 godina postojanja. Tim povodom je 2. i 3. oktobra u Rochesteru, Minnesota (SAD) održan dvodnevni simpozijum u sklopu Dana Klinike Mayo, godišnje proslave posvećene povijesti i kulturi ove ustanove. Oko 125 gostiju iz raznih dijelova Sjedinjenih Američkih Država i zaposlenih na Mayo Klinici su prisustvovali svečanosti.

J. Michael Homan AHIP, FMLA, direktor biblioteke, otvorio je simpozijum, pozdravio uvažene goste i predstavio dr. Raymonda Kurzweila, učenog futuristu i istraživača. Dr. Kurzweil je prezentirao inspirirajuću viziju "Uticaj tehnologije 21. vijeka na zdravstvo i društvo" ("The Impact of 21st Century Technology on Human Health and Society"). Nakon ovog interesatnog predavanja u panel diskusiji su učestvovali ms. Betsy Humphreys, zamjenik direktora Nacionalne medicinske biblioteke SAD, dr. Nina Schwenk, potpredsjednik Upravnog odbora Klinike i ms. Linda Watson, direktor Biblioteke zdravstvenih znanosti University of Minnesota, Minneapolis / St Paul. Slijedila je otvorena sesija pitanja i odgovora, a program je nastavljen formalnom recepcijom u ambijentu jedne od prvih medicinskih zgrada - Plummer Hall Reading Room.

Prvo veče proslava je posvećeno osnivaču biblioteke, ms. Maud Mellish Wilson, koju je, 100 godina ranije, pozvao dr. William Mayo da dođe u Rochester i osnuje medicinsku biblioteku Klinike Mayo. Njen izuzetno zanimljivi životni put je prezentiran u pozorišnoj predstavi "The Mystery of Maud Mellish Wilson", koju je napisala i izvela umjetnica ms. Megan Cole, iz države Oregon.

Drugog dana simpozijuma, istraživači i ljekari Klinike Mayo su upoznali slušaoce sa savremenim temama iz zdravstvene informatike, medicinske genetike i takozvane individualizirane medicine ("individualized medicine"). Nakon što je dr. Marcelline Harris govorila o ključnoj ulozi zdravstvene informatike u razvoju moderne kliničke infrastrukture, dr. Eric Wieben je održao predavanje o ulozi medicinske genetike u individualnom pristupu liječenju bolesnika. Dr. Franklyn Prendergast, direktor nedavno osnovanog Centra za individualiziranu medicinu pri Klinici Mayo, osvrnuo se na mogućnosti i izazove u implementaciji ovog programa.

Tokom dana gosti su imali priliku da obiđu Kliniku Mayo, uključujući i Interdisciplinarni Centar za medicinsku simulaciju, Umjetničku kolekciju Mayo Klinike, Biblioteku povijesti medicine, Centar za edukaciju bolesnika, Centar za edukaciju iz oblasti raka, Medicinske biblioteke, bolnice i Rochester carillon*, muzički zvonik čije melodije odjekuju centrom Rochestera svakog dana u podne.

Drugo veče program je završen formalnom večerom i prigodnim programom koji je Komitet za stogodišnju proslavu priredio za više od 100 bivših i sadašnjih radnika Medicinske biblioteke. Između ostalog, zaposleni su dobili i "Mayo Clinic Libraries Centennial Cookbook", jedinstvenu kolekciju omiljenih recepata, skupljenu od sadašnjih i bivših radnika Biblioteke. Više od 300 recepata u ovom kuharu predstavlja kuhinje iz cijelog



BOSNIACA 113

svijeta, uključujući američku, meksičku, australsku, englesku, italijansku, skandinavsku, njemačku, afričku i bosansku.

Bilješke:

* "carillon" - instrument u tornju Plummer Buildinga je sistem zvona raznih veličina, a svira se na instrumentu koji najviše liči na klavir i povezan je sa udaraljka, koje opet udaraju u zvona.

- Da saznate više o Mayo Klinici posjetite <http://www.mayoclinic.org/>

- Da saznate više o Bibliotekama Mayo Klinike posjetite <http://www.mayo.edu/library/> and <http://www.mayo.edu/library/centennial.html>

- Da saznate više o futuristi dr. Ray Kurzweil i njegovom radu posjetite <http://www.kurzweilai.net/>



BOŠNIACA 114



Atrium Gonda Building, jedne od zgrada Mayo klinike sa Meštrovićevim kipom u pozadini